

امور تحریریه ایچون فؤاد بکه
وامور اداره ایچون آرتین افندییه
مراجعت اولنور.



مسلکمزہ موافق آثار قبول اولنور.
درج ایدلین اوراق اعاده اولماز.

مجله ادبیات

اداره خانه سی باب عالی جاده سنده
۵۲ نومرولو « شرکت مرتبیه »
مطبعه سیدر.



استانبول ایچون سنه لکی مطبعه دن
آلنق شرطیله ۴۰، طشره لره پوسته
اجرتیله برابر ۶۰ غروشدر.

نسخه سی ۱ غروش

پنجشنبه کونملری نشر اولنور ادبی، فنی و صناعی غزته در

نسخه سی ۱ غروش

بونلر قابليت حسسك يالكر خيوانانه تعيم ايدلمه سى معقول اوله ميه جغنى اثبات ايدر .

پوشه «كائنات» عنوانلى كتاب اشهرنده نباتاتك حر كئله اتصافنى اثبات ايدن بر چوق مشاهداتدن بحث ايتمشدر . نباتات متحر كيه مقابل سونكر ، مرجان ، مادره پور ، نجم بحرى كې بر چوقى حيوانات ابتدائيه ده اصلا حركت آنارى كورولمه مشدر .

حيواناتك نباتاتدن مابه التيزى اولان حال صرف حر كئدن عبارت ايسه بيو-لوژينك ، تاريخ طبيعيتك شهادات مقنعه سنه رغماً اكثر نباتاتك حيواناتدن ، بر چوق حيو-ناتك ده نباتاتدن عد ايدلمه سى لازم كليز . بالعكس هرايكى سلسله نك مراتب ابتدائيه سنى تشكيل ايدن حيوانات نباتيه ايله قير پتو غاملر حقنده نبات وحيوان وصفلى معناسز بر تعبير حكمنده قالب تشكلات حيوانيه نك نباتات ايله اتحاد ايتديكى كورولور . الك طوغروسى ، طبيعيتك اصول تصنيفلى بالذات ذوى الحياتدن زياده دماغلرنده جاريدر .

سربل

افق مريئيك مسافه سى

شاعر ديوركه :

« صاف بر هواده سطح دريا ويا دوز بر صحرا كې حائلسز مسافات مستويه اوزرندن نظر آفاقه طوغرو تمديد ايدلديكى زمان ، انسانك تكميل حسياتنه پيشنده كى منظره طبيعيتك عظمتى ، وسعتى وساده لكيله هم آهنگ اولغه بر ميلان لمبىي حاصل اولور . بصر اعماق آفاقه سوق ايدلديكجه حسيات بلا اختيار و كمال سكوتله بو ميلانه تبعيت ايدهر ك انسان هر برداره حسك آچيله آچيله بيوديكنى ويودكجه ده از ياده آچيلديغنى

كوزله كوره جك در جهده بر حيرت مفتونانه يه دوشر ؛ بر حالده كه آرتق وجودينك او مناظر ك اورتته سنده نامتناهيكدن بر ذره ، روحنك او احتساساتك مركزنه ايديتدن برلمه حكمنده قالد يغنه قناعت كسب ايدر . »

بوسوزلرله بعضاً فكر شاعرانده نامتناهيك وابديت خياللى اويانديره جق قدر حسيات انسانيه مؤثر اولديغنى تصوير ايديلان منظره افقك — كه بصر ك سطح مستوى رؤيت اوزرنده كى حدوديدر — متجسس فكرلر ، چوق كره ، يالكر تماشاى مفتونانه سيله قناعت ايدله ميوب كندى بولندقلرى نقطه يه اولان مسافه حقيقه سنى ده يلك وبوجهله لدان خياليه لرئى تحرى حقايقله دخی ترين وتزيد ايتك آرزو سنده بولنورلر سنده رياضياته تعلق ايدن بو مسئله يى بر آز مدت اولسون انكله اشتغال ايتمدن حل ايتك قابل اولماديغندن اكثريا بوندن صرف نظر ايلكه مجبور اولورلر . حال بوكه ياقين زمانده ارباب فندن بر ذات افقك مسافه سنى بولمق

ايچون هان آفاقه عطف نظر ايتمكه اختيار ايديلان زحمت قدر قولاي بر اصول ميدانه قويئمشدر . بو ايسه راصدك بولنديغنى ارتفاع جذر مريئيك ۳,۵۴ مقدار ثابتله ضربندن عبارت اولوب حاصل ضرب كيلومتروى ارايه ايديور . كرچه شو حسابده يوزده بر درجه سنده بر خطا موجود بولنيور سنده اكثريا جزئيته مبنى بوندن صرف نظر ايدلمكه باس اولماديغنى كې حاصل ضربه يوزلرى قدر بر علاوه سيله خطانك ازاله سى ده قابلد . ۳,۵۴ مقدارى ايسه وركولدن صرف نظرله بر سنه قريه يى تشكيل ايدن كونلر عددينه مساوى اولديغندن سهل الحفظدر .

بو حسابده كوره دوز بر زمينده ويا قايق

ايچنده اياق اوزرى طوران وسطى القامه

بر انسانك افق كندوسندن اوچ بچق كيلومترو اوزاقده در .

صحرا ده دوه اوستنده كيدن بدوينك نظرى ۶,۱۹۵ كيلومترو قدر بعد و مسافه يه واصل اولور .

كئينك سطح دريادن درت مترو ارتفاعنده بولان كوكرتيه سى اوستنده كى سياحك حدود نظرى ۷,۱۸۰ كيلومترويه وارر .

كئينك يكرمى بش مترو يوكسكلكه اولان ديركى اوستنده كى كهيجى كئينك اطرافنده ۱۷ بچق كيلومترودن زياده ير كورر .

ايقل قله سنده حدود بصر ۶۱ بچق كيلومترويه قدر وارر .

۴۹۰۰ مترولق بر طاغ اوزرنده بولان كيمسه ايچون افق ۲۴۷ كيلومترو و دنيانك الك يوكسك طاغنك زرويه سنده بولان ايچون ده ۳۳۶ كيلومترو ايلريده بولنور . ج . ا .

فونوغرافلى ساعت

جنوه ساعتچيلرندن موسيو (سيوان) استنده بر ذات فونوغراف ايچون ساعتچيلكه غايت فائده لى بر محل تطبيق بولمشدر . بوصلا حب صنعت عادى ويا منهلى ساعتلك چالا رى يرينه سرت قانچوقدن معمول اولوب اوزرينه هر نه صورتله اولورسه سويله ن سوزلك فونوغرافله استحصا ايديلان اويوقلرى حلزونى اوله رق حك اولنمش داره وى لوحلر وضع ايتمشدر كه بونلرك اوزرندن تترك ابرمك اوچى ميلونلرجه دفعه كچديكى حالده بيله آشيئقندن مصون قالير .